

Powšitkowne WOZJEWJENJA

njedźelu, 1. julija 2018

Lětni koncert před Starej cyrkwičku w Radworju

Chór Meja přeprašuje wšitkich zajimcow na swój lětni koncert njedźelu, 1. julija, na zahrodu před Starej cyrkwičku w Radworju. Wot 15.30 hodź. poskići so swačina. Koncert zahaji so w 16 hodź. W programje Mejanow su lětsa wšelake žortne a druhe překwapjenki zapřijate. Nimo toho móža so wopytowarjo na južnokorejske zynki wjeselić. Koncertej přizamknjetej so bjesada a zhromadne spěwanje.

Kemše w Krupce

Na putniku Božu mšu srjedu, 25. julija, w 10 hodź. w Krupce pojedže zaso bus. Štóž chce sobu jěć, njech so najpozdžišo hač do póndžele, 16. julija, w Šmitec wozydłownistwje w Radworju přizjewi, telefonowe čisło (03 59 35) 28 60.

Němskorěčne kemše w českich Hejnicach

Stajnje poslednju sobotu měsaca změje farar Michael Dittrich w přichodnych měsacach němskorěčnu Božu mšu w putniskej cyrkwi swjateje Marije wopytanja w českich Hejnicach. Kemše 25. awgusta, 29. septembra a 27. oktobra budu tam we 18 hodź. Zdobom su wěriwi póndželu, 2. julija, w 10.30 hodź. na putniku Božu mšu přeprašeni.

„Mjenje stresa – wjace wjesela“

W Domje biskopa Bena w Smochćicach ma so w třecim tydženju lětnich prózdnin wot póndžele do soboty, 16. do 21. julija, swójbny tydžeń pod temu „Mjenje stresa – wjace wjesela“ wotměć. Staršim z dźěćimi wot třoch lět poskićuja tam móžnosć, we wšelakorych seminarach nastorki za wšedny dzeń w swójbje dóstać. Při tym póndže wo respektny kubłanski stil, wo wid na potrěbnosće dźěći a młodostnych kaž tež wo to, na kotre wašnje móža starši na mylace zadźerženske wašnja přiměrjenje reagować. Kubłanske dny wobsahuja tohorunja pisany wólnočasny program. Nadrobne informacije dóstanu zajimcy pod telefonowym čislom (03 59 35) 2 23 17.